



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LXXVIII. Custodia S. Petri de Alcantara in Regno Neapolitano erigitur in
Provinciam.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

modi minime venire, neque respective Basilicas, & Ecclesias ipsas visitare valeant:

§. 3. Nos pro pastoralis Officii nostri debito, paternaque Charitate illorum omnium Animarum saluti quantum cum Domino possumus prospicere volentes, omnibus, & singulis Sanctimonialibus quorumcumque Monasteriorum, etiam illorum, quae ab Ordinaria Jurisdictione exempta, & Sedi Apostolicae praefatae immediate subiecta sunt, vel esse asserunt, necnon Oblatis praefatis, ac puellis, & Mulieribus Saecularibus in Monasteriis hujusmodi de ejusdem Sedis licentia degentibus, & Anachoretis, atque Eremitis hujusmodi, ac utriusque sexus Christianis, tam carceratis quam infirmis praefatis tantum, & qui alias impedimentis longae carcerationis, ac diuturnae infirmitatis cessantibus ad hanc Almae Urbem pro thesauris spiritualibus hujusmodi consequendis venturi fuissent, vere penitentibus, & confessis, quod in locis ubi eos esse contigerit, pia Christianae pietatis, & Charitatis opera juxta formam ab Ordinariis Locorum, seu Sanctimonialium, & Anachoretarum, Eremitarumque hujusmodi superioribus, vel de eorum mandato a prudente Confessario, in Alma Urbe vero a dilecto filio nostro Vicario, seu ejus Vicegerente tantum praescribendam pro cuiuslibet statu, & conditione, ac loci, & temporis ratione habita exercendo, & alia in nostris literis indicationis anni Jubilaei contenta adimplendo, omnes, & singulas Indulgentias, & peccatorum remissiones, etiam plenissimas, consequantur, quas consequerentur, & consequi possent, si in hoc praesenti anno Jubilaei diebus ad id statutis quatuor ad id deputatas Basilicas, & Ecclesias Almae Urbis, & extra illius Muros, pro quibus visitandis Jubilaeum, & Indulgentiae praefatae concessae sunt, personaliter visitarent, & eorum quilibet visitaret.

§. 4. Eisdem Sanctimonialibus, ac Oblatis, puellis, & Mulieribus Saecularibus, nec non Anachoretis, atque Eremitis, & Christianis hujusmodi impeditis hujusmodi, ut ad effectum praesentium Confessarios Presbyteros Saeculares, vel cuiusvis Ordinis regulares ab eisdem Ordinariis Locorum ad id probatos, qui Confessionibus eorum diligenter auditis, eos, & eorum quemlibet a quibusvis peccatis, criminibus, & delictis quantumcumque gravibus, & enormibus, etiam Sedi Apostolicae reservatis, etiam in Bulla Coenae Domini contentis, injuncta eis poenitentia salutari, absolvere possint, eligere valeant, auctoritate Apostolica tenore praesentium concedimus, & indulgemus. Non obstantibus Constitutionibus, & Ordinationibus Apostolicis, caeterisque contrariis quibuscumque.

§. 5. Volumus autem, quod praesentium literarum transumptis, etiam impressis, manu alicujus Notarii publici subscriptis, & sigillo personae in Dignitate Ecclesiastica constitutae munitis, eadem pro suis fides ubique adhibeatur, quae adhiberetur ipsis praesentibus, si forent exhibitae, vel ostensa.

Datum Romae apud S. Mariam Majorem sub Annulo Piscatoris die 6. Febr. 1675. Pontificatus nostri Anno quinto.

I. G. Slusius.

LXXVIII.

Erectio Custodiae S. Petri de Alcantara in Regno Neapolitano Fratrum Discalceatorum Hispaniae Ordinis Minorum S. Francisci de Observantia in novam Provinciam cum omnibus Privilegiis, & praerogativis adinstar aliarum Provinciarum Discalceatorum Hispaniae dicti Ordinis, necnon cum gratiis, & Indultis eidem Custodiae per quinque Brevia a SSmo D. N. concessis.

Super hac materia idem Summus Pont. plures alias edidit Constitut., quae sunt in hoc Volumine, 10. 42. & Sup. Tom. VI. Append. Const. 17. & 23.

CLEMENS PAPA X.

Ad perpetuam rei memoriam.

SAcro sancti Apostolatus officium humilitati, atque infirmitati nostrae ab aeterno Pastore commissum salubriter exequi adjuvante D. jugiter satagentes circa statum Religiosorum virorum sub austerioris vitae disciplina vota sua Altissimo reddere satagentium, bonoque Christi odore de bona conversatione flagrantium prospere dirigendum propensis studiis intendimus, ac muneris nostri pastoralis partes peculiari desuper charitate interponimus, sicut ad Omnipotentis Dei gloriam, Religionis, & piorum operum incrementum, ac felicem progressum, animarumque salutem expedire in Domino arbitramur.

§. 1. Alias siquidem postquam Custodia Sancti Petri de Alcantara in Regno Neapolitano Fratrum Discalceatorum Hispaniae Ord. Minorum S. Francisci de Observantia nuncupatorum in executionem quarundam nostrarum in simili forma Brevis literarum auctoritate Apostolica erecta, & instituta, variisque gratiis, & ordinationibus pro felici illius gubernio emanatis per alias ternas pariter in forma Brevis literarum nostras decorata, atque stabilita fuerat, cum Custodia ipsa in sui primordio multis tam Romae, quam subinde in Hispania contradictionibus vexata, & per illas tanquam aurum in fornace probata, & purificata, ac ab illis quippe insubsistentibus, & ex animositate provenientibus, tum Judicio Congregationis Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praeposita, tum Charissimi in Christo Filii nostri Caroli Hispaniarum Regis Catholici, qui pro eximia sua erga nos, & Sedem Apostolicam reverentia, rem omnem ad supremum nostrum, & dictae Sedis Judicium remisit, aequitate, atque pietate liberata fuisset:

§. 2. Nos ejusdem Custodiae statui, & incrementum providere, ac hujusmodi perturbationibus ansam in futurum praecidere cupientes, multa ad favorem ipsius Custodiae statuimus, & ordinavimus, diversaeque declarationes, & concessionem fecimus, ac inter alia volumus, & ordinavimus, ut Capitulum dictae Custodiae compromitteret in Personas quatuor Religiosorum, zelo, prudentia, & virtute praedictorum, qui a Vener. Fratre nostro Francisco Episcopo Ostien. ejusdem S. R. E. Cardinali Barberino nuncupato dicti Ordinis apud nos, & Sedem praedictam Protectore approbati, seu alias ab ipso nominati essent, ipsique Compromissarii statuta, & Ordinationes, quibus eadem Custodia in perpetuum regi, & gubernari deberet, secundum datam sibi a D. prudentiam conficerent, & component, & alias prout in nostris desuper in simili forma Brevis die 28. Augusti 1673. expeditis literis uberius continetur.

§. 3. Cum autem (sicut accepimus) statuta, & ordinationes hujusmodi juxta earundem literarum nostrarum dispositionem jam facta, atque edita reperiantur, dictaque Custodia, quae sex Conventibus, canonice erectis, & institutis consistat, & alium Conventum erigendi facultatem a Sede praefata obtinuit, nulli Provinciae Ordinis praefati subjaceat, sed a proprio Custode cum suo Diffinitorio gubernetur, ac in ea Capitula, Congregationes, & alii congressus, prout in Provinciae dicti Ordinis celebrentur, ipsaque Custodia propriis sigillis majori, & minori utatur, ac praerogativis fere adinstar Provinciarum hujusmodi fruatur, itaut ei nihil nisi nomen Provinciae deesse videatur.

Exordium.

Refert initia d. Custodiae.

Refert plura ad illius favorem de-mandasse.

Quod quatuor Religiosi, illius Statuta, & Ordinationes conficerent.

Confectis Statutis d. Custodia sex Conventibus constans cum facultate alii erigendi se gerit adinstar Provinciae.

§. 4. Hinc

Omnibus supra dictis concedit omnes & singulas Indulgentias d. anni Jubilaei, prout in rubr.

Indulget Confessarios, ut eos vel eas ab omnibus casibus relevatis etiam in Bulla Coenae Domini imposita salutari poenitentia absolvere possent. Derogat contrariis.

Transumptorum fides.

Dat. 6. Febr. 1675. an. 5.

Abolutio a
Centuris.

Habet pro
expressis, &
insertis præ-
cedentes litem
deluper
editas.

Motu pro-
prio d. Custodiam erig-
it in novam
Provinciam.

Hæc nova
Provincia
nti nequeat
facultate sibi
concessa eri-
gendi novos
Coventus
in locis ubi
sunt fratres
de Observan-
tia, vel Reformati
præd. Ordinis.

Statuta, &
Ordinationes jam edita
pro Regimine ejusdem
Custodiæ auctoritate
Apost. confirmata, &
præcipi observari.

Eidem novæ
Provinciæ
pro hac prima vice
providet de idoneis
Ministro

§. 4. Hinc est, quod nos firmiori, atque solidiori ejusdem Custodiæ statui, prosperoque illius regimini, ac progressui, & incremento, quantum nobis ex alto conceditur providere volentes, ac dilectorum filiorum Custodis, & Diffinitorum, aliorumque Fratrum Custodiæ hujusmodi singulares Personas a quibusvis excommunicationis, suspensionis, & interdicti, aliisque Ecclesiasticis Sententiis, Censuris, & penis a jure, vel ab homine quavis occasione, vel causa latis, si quibus quomodolibet innodati existant ad effectum præsentium duntaxat consequendum harum serie absolventes, & absolutos fore censentes, necnon quarum nostrarum literarum præfatarum tenores, & alia quæcumque, etiam specificam, & individuum mentionem, & expressionem requirentia, præsentibus pro plene, & sufficienter expressis, & insertis habentes:

§. 5. Motu proprio, ac ex certa scientia, & matura deliberatione nostris, deque Apostolica potestatis plenitudine præfata Custodiam in novam Provinciam Fratrum Discalceatorum Hispaniæ dicti Ordinis, quæ Provincia S. Petri de Alcantara Regni Neapolis nuncupari debeat, ac Capitula Provincialia pro Ministri Provincialis, Custodis, & Diffinitorum, aliorumque Officialium ipsius Provinciæ electiones, ac Congregationes, aliosque congressus adinstar aliarum Provincialium Ordinis hujusmodi celebrare, ac omnibus, & singulis prærogativis, præeminentiis, juribus, oneribus, privilegiis, gratiis, & Indultis, quibus aliæ ejusdem Ordinis Provinciæ tam de jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudere possunt, & poterunt in futurum, pariformiter, & absque ulla prorsus differentia, & signanter illis, quæ Provinciis Fratrum Discalceatorum Hispaniæ Ordinis præfati a quibusvis Romanis Pontificibus Prædecessoribus nostris, ac præsertim a fel. rec. Urb. PP. VIII. prædecessore pariter nostro per quasdam suas in forma Brevis literas, quarum initium, *Cum ea* &c. die 25. Junii 1639. expeditas concessa sunt, necnon omnibus, & singulis Indultis, privilegiis, & gratiis Custodiæ prædictæ a nobis per quinque literas supradictas quomodolibet concessis, & quibus Custodia ipsa hæctenus gavisa est, uti, frui, potiri, & gaudere libere, & licite possit, & valeat, ita tamen, ut nova Provincia hujusmodi facultate fundandi, & erigendi novos Conventus de sola Ordinariorum licentia, quæ dictæ Custodiæ auctoritate Apostolica concessa reperitur, non nisi in locis, in quibus Fratres de Observantia, vel Reformati nuncupati Ordinis prædicti non sint, uti valeat, tenore præsentium, sine cuiusquam præjudicio in perpetuum erigimus, & instituiamus.

§. 6. Præterea Statuta, & Ordinationes pro felici, prosperoque dictæ Custodiæ regimine, & gubernio, sicut præmittitur facta, atque edita, quæ (uti pariter accepimus) a memorato Francisco Episcopo Cardinali, & Protectore examinata, & approbata fuerunt, dummodo tamen Sacris Canonibus, aut Concilii Tridentini Decretis, vel Constitutionibus, & Ordinationibus Apostolicis, aut Regularibus dicti Ordinis Instituitis non adversentur, auctoritate Apostolica harum serie perpetuo approbamus, & confirmamus, illisque inviolabilis Apostolicæ firmitatis robore adjuvamus, ac illa omnia, & singula per Superiores, Fratres, & Personas quascumque dictæ novæ Provinciæ sic a nobis erectæ, & institutæ perpetuis futuris temporibus inviolabiliter observari debere statuimus, ac præcipimus, & ordinamus.

§. 7. Porro eidem novæ Provinciæ de idoneis Ministro Provinciali, & Diffinitoribus, quorum opera Provincia ipsa adspirante superni favoris auxilio salubriter dirigatur, hæc prima vice pro-

videre cupientes, ac de spectata infracriptorum Religiosorum fide, prudentia, charitate, integritate, vigilantia, & Religionis zelo plurimum in Domino confisi, dilectos filios Joannem a Sancta Maria Verbi Dei Prædicatorem, qui Custos, in Ministrum Provinciale, ac Franciscum Antonium a Passione, Jacobum a Sancto Laurentio, Lucam a Sancto Didaco, & Joannem a Cruce, qui Diffinitores actuales præfate Custodiæ a dicto Francisco Episcopo Cardinale, & Protectore novissime instituti fuerunt, in Diffinitores ejusdem novæ Provinciæ sic a nobis erectæ respectively ad triennium proximum cum omnibus, & singulis præeminentiis, prærogativis, facultatibus, auctoritate, privilegiis, gratiis, ac Indultis, & honoribus, & oneribus solitis, & consuetis motu, scientia, deliberatione, & potestatis plenitudine paribus earundem tenore præsentium constituimus, & deputamus.

§. 8. Omnes autem Guardianos Conventuum, & reliquos Officiales Custodiæ præfate sic in Provinciam a Nobis erectæ, qui de præfati, aut a præfato Francisco Episcopo Cardinale, & Protectore, aut a Diffinitorio deputati reperiantur in suis respective numeribus usque ad Congregationem intermediam ejusdem novæ Provinciæ proxime celebrandam confirmamus: ac præfatis Ministro Provinciali, & Diffinitoribus a Nobis, ut præfertur deputatis Custodem novæ Provinciæ, qui Capitulo generali dicti Ordinis cum voti, sive suffragii prærogativa interesse valeat, pro hac vice tantum eligendi, seu deputandi facultatem impertimur; ita tamen ut electio, seu deputatio hujusmodi a memorato Francisco Episcopo Cardinale, & Protectore approbari, & confirmari debeat.

§. 9. Mandantes propterea in virtute Sanctæ obediendiæ, ac sub indignationis nostræ, aliisque arbitrii nostri penis, omnibus, & singulis præfatorum Ordinis, & novæ Provinciæ Superioribus, Fratribus, & Personis, cæterisque, ad quos spectat, & spectabit in futurum, ut eandem novam Provinciam, sicut præmittitur a Nobis erectam, & institutam tanquam veram, & legitimam canoniceque erectam Provinciam, ac sicut reliquas Fratrum Discalceatorum dicti Ordinis Provincias in omnibus, & per omnia recognoscant, nomen, teneant, & tractent, ac Religiosos supranumeratos ad officia eis respective per præfatos demandata, illorumque liberum exercitium juxta earundem tenorem præsentium recipiant, & admittant; illisque in omnibus eadem officia concernentibus faveant, & assistant, parentque, & obediant respective.

§. 10. Ac decernentes easdem præfatas literas, ac in eis contenta quæcumque etiam ex eo quod quilibet in præmissis jus, vel interesse habentes, seu habere quomodolibet prætendentes, etiam specifica, & individua mentione, & expressione digni, illis non consenserint, nec ad ea vocati, citati, & auditi, neque causæ propter quas præfatas emanarint, adductæ, aut verificatæ, & justificatæ fuerint, aut ex quavis alia, etiam quantumlibet juridica, pia, & privilegiata causa, colore, prætextu, & capite etiam in corpore juris clauso, etiam enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis formali, & substantiali, individuumque expressionem requirentem defectu, notari, impugnari, infringi, retractari, in controversiam vocari, seu ad terminos juris reduci, aut adversus illas apertionis oris, restitutionis in integrum, aliudve quodcumque Juris, & facti, vel gratiæ remedium intentari, vel impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam

Provinciali, & Diffinitoribus ad triennium duraturis.

Guardianos, & Officiales de præfatis existentibus usque ad Congregationem intermediam confirmat.

Dat facultatem Ministro Provinciali, & Diffinitoribus ut supra deputatis eligendi Custodem novæ Provinciæ cum Voti prærogativa in Capitulo generali pro hac vice tantum.

Mandat hanc Electionem, seu Deputationem esse confirmandam a Card. Protectore.

In virtute S. Obedientiæ præcipit ab omnibus dicti Ordinis, novam Provinciam, sicut reliquas ejusdem Ordinis in omnibus recognoscere, & tractari.

Quod Religiosis ut supra ad officia deputatis in omnibus eadem officia concernentibus assistant, & faveant, ac respective parent, & obediant.

Supplet quoscunque defectus.

in iudicio, vel extra illud uti, seu se iuvare ullo modo posse, sed ipsas præfentes literas semper firmas, validas, & efficaces existere, & fore, suofque plenarios, & integros effectus fortiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari, & ab eis respectively inviolabiliter observari.

Decretum irritans.

§. 11. Sicque, & non aliter in præmissis per quoscumque Iudices Ordinarios, & delegatos, etiam causarum Palatii Apostolicæ Auditores, ac S. R. E. præfata Cardinales etiam de Latere Legatos, & Apostolicæ Sedis Nuntios, aliosve quoslibet quacumque præminencia, & potestate fungentes, & functuros, sublata eis, & eorum cuiuslibet quavis aliter iudicandi, & interpretandi facultate, & auctoritate, definiiri, & iudicari debere, ac irritum, & inane si secus super his a quocumque quavis auctoritate scienter, vel ignoranter contigerit attentari.

Præsentibus literis mandatur quacumque contraria non obstat.

§. 12. Non obstantibus præmissis, ac Constitutionibus, & Ordinationibus Apostolicis; nec non quatenus opus sit Ordinis, & Custodiæ huiusmodi, aliisve quibusvis etiam juramento, Confirmatione Apostolica, vel quavis firmitate alia roboratis statutis, & consuetudinibus, etiam immemorabilibus, Privilegiis quoque, Indultis, & literis Apostolicis, etiam d. Ordini, ejusque Superioribus, & quibusvis aliis Personis, & locis, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, in genere, vel in specie, etiam motu, scientia, & potestatis plenitudine paribus, ac consistorialiter, & alias quomodolibet in contrarium præmissorum concessis, confirmatis, & innovatis; a omnibus, & singulis, quæ in quibus nostris literis supradictis volumus non obstat.

Eis omnibus amplissime derogat.

§. 13. Quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio, aut quælibet alia exquisita forma ad hoc servanda foret, tenores huiusmodi præsentibus pro plene, & sufficienter expressis, ac insertis habentes illis alias in suo robore permanentibus ad præmissorum effectum, hac vice dumtaxat, specialiter, & expresse derogamus, ceterisque contrariis quibuscumque.

Dat. 7. Febr. 1675. An. 5.

Datum Romæ apud S. Mariam Majorem sub Annulo Piscatoris die 7. Febr. 1675. Pontificatus nostri Anno Quinto.

I. G. Slusius.

Registrata in Secretaria Brevium in lib. Mensis Febr. par 2. fol. 167.

LXXIX.

Approbatio, & confirmatio Foundationum, & erectionum decem Conventuum Fratrum Discalceatorum Ordinis S. Augustini in Regno Portugallia, & illorum erectio in novam Congregationem sub titulo Conceptionis Beatæ Mariæ Virginis Immaculatæ regendam ab uno Vicario Generali de sexennio in sexennium eligendo cum communicatione Privilegiorum Congregationis Fratrum Discalceatorum Italia, cujus statuta, & Constitutiones dicta nova Congregatio, dictique Conventus observare tenentur.

CLEMENS PAPA X.

Ad perpetuam rei memoriam.

Exordium.

Solicitude pastoralis officii, quò Ecclesiæ Catholicæ regimini divina dispositione præside-

mus, Nos admonet, ut paternam religiosorum Virorum Altissimi obsequiis sub arctioris vitæ Instituto mancipatorum curam gerentes felici illorum statui, ac progressui, & religionis incremento quantum Nobis ex Alto conceditur, prospicere jugiter studeamus.

§. 1. Innotuit siquidem Nobis, quod dudum clar. me. Aloysia Maria dum vixit Portugallia, & Algarbiorum Regina illustris pro eximia sua pietate, & singulari erga Ordinem S. Augustini devotione, Monasteriorum Monialium Discalceatorum ejusdem Ordinis in valle de Xabregas prope, & extra muros Civitatis Ulyssiponea. regia liberalitate fundavit, ipsaque Aloysia Maria Regina inter easdem Moniales reliquos vitæ suæ dies in pace disposuit, & cupiens Conventum Fratrum Discalceatorum Ordinis Eremitarum ejusdem S. Augustini, qui dictorum Monasterii, & Monialium directioni, & gubernio incumbere, pariter fundare, atque erigere, licentiam desuper necessariam obtinuit a tunc existente Priore Generali dicti Ordinis, qui certum determinatum numerum Religiosorum in ea admittendorum præfixit, ipsamque Conventum a superioritate Prioris Provincialis, & aliorum Prælatorum Provincia Portugallia Ordinis huiusmodi exemit, ac illum suæ, & futurorum pro tempore Priorum Generalium ejusdem Ordinis jurisdictioni immediate subjecit, prout in literis ejusdem Prioris Generalis desuper emanatis latius continetur.

Fundatio Monasterii Monialium Discalceatorum Ord. S. Augustini in Valle de Xabregas.

Licentia erigendi Conventum fratrum Discalceat. d. Ordinis.

Quibus cautionibus ea concedatur.

§. 2. Cumque temporis decursu crescente semper magis in dies erga Religionem Fratrum Discalceatorum huiusmodi Populi devotione, quamplurimi eorum religiosæ vitæ amore accensi, ad habitum inter ipsos admitti desiderarent, iidem fratres Discalceati supplices petierunt a fel. rec. Alexandro PP. VII. prædecessore nostro ut gratiam, & licentiam numerum Religiosorum augendi, novasque Domos Regulares in Regno Portugallia fundandi concedere dignaretur. Verum tam idem Alexander prædecessor, quam ejus successor rec. me. Clemens Papa IX. etiam prædecessor noster, cui eadem preces oblatæ fuerant, ejusmodi gratiam concedere renuerunt.

Alexan. VII. & Clem. IX. negarunt dd. fratribus licentiam augendi numerum Religiosorum, & novos Conventus erigendi in d. Regno.

§. 3. Quinimo cum dicti Fratres Discalceati de facto, & propria auctoritate nonnullos Novitios ultra numerum præfixum ad habitum admittere, novos Conventus in variis dicti Regni partibus erigere, & subsequenter eos Congregationi fratrum Discalceatorum Hispania dicti Ordinis unire præsumpsissent, delatis ex parte Fratrum Discalceatorum ejusdem Ordinis in præfato Regno degentium ad nos hac super re querimoniis, illisque in Congregatione à nobis specialiter deputata examinatis, eadem Congregatio censuit, revocanda esse attentata prædicta nec ullum Jus competere Fratribus Excalceatis Hispania super dicto Monasterio Ulyssipone erecto pro cura Monialium, neque esse locum dismembrationi a Religione, & subinde pariter censuit non esse locum erectioni novorum Conventuum Fratrum Discalceatorum Ordinis Sancti Augustini in Regno Lusitania, ac propterea illos erigi, aut fundari prohibuit, & prædictis Fratribus Excalceatis citra controversiam huiusmodi perpetuum silentium imposuit.

Congr. particularis revocat attentata commissa per dd. fratres.

§. 4. Nos vero postmodum non solum Decreta particularis Congregationis huiusmodi, ut præfertur emanata confirmavimus, sed etiam omnia, & singula, quæ in eisdem Decretis continentur motu proprio decrevimus pariter, & ordinavimus, cum simili perpetui silentii impositione, & alias prout in binis nostris desuper in simili forma Brevis die 28. Januarii, & die 27. Februarii 1671. expeditis literis, quarum tenores præsentibus pro plene, & sufficienter expref-

Summus Pontifex d. Congregationis resolutionem confirmavit.